

粵雅堂叢書

粵雅堂叢書

玉山草堂續集

玉山草堂續集第一

仁和 錢 林 東生撰

尊酒論文小草

丙子

將赴粵東述懷三首

七年躬苦賴負疚忝食祿皇華一以賡靡及仍三復當
厲王陽志願刮吳蒙日庶幾可酬知母曰徒懷慙

朝戒嚴城裝暮投固節宿首塗僕御飭久客津郵熟去
樹循舊蹊迴山豁新日威夷驚絕靱浩蕩思催軸疾動
炎乃侵心煎時易倏幸茲得良友眷眷余膺服

同奉使者吳同

年信
中

亟亟出門去欲去復躊躇借問何爲爾日與古人疎耳
目近所接總雜頗有餘苦無孝先笥兼廢兒寬鋤業荒
口可籍職曠咎何如賢哉子墨子適衛能載書

卽景

邈邈鄉始負蒼蒼天欲暮烟消月出時遠見房山樹

經兗州口念二韻

浮雲南下卽荆徐一片寒山倒影虛魯殿秦碑復何在
暮天臨眺轉躊躇

晚次新嘉驛寄詩社同年林三兄培厚沈大兄岐
董大兄國華羅大兄家彥費二兄丙章史二兄
評王大兄道行

撰酌都門外遵塗汶水東跡漂甯似梗心擾只如蓬宿
莽披輕晦疎棠獻小紅相期論五際歲晚與君同

鄒縣拜孟子廟作

偶然爲客卿坎珂惜生平蠹簡七篇在溪毛一獻成填
牆舊碑碎螯石凍泉清千祀檐前檜寒山翠共撐

見槐花戲贈吳同年

夢回亭吏催排馬薛北滕南官路斜還似昔年忙夏課
蕭蕭疎雨落槐花

徐州懷古

韓生下說遭烹死欲渡江東願已違明日沛中兒拍手
漢家亭長繡衣歸

場平如削曉分曹杖奮毬驚僕射勞說與兜鍪渾不解
七軍新已募銀刀

節逢白露征衣膩人過黃樓別酒醒問取他年各名士
數聲風笛起漁汀

雨後行舒城道中

空山雨忽止悠悠發清想時有涼風來復聞田水響
早發黃梅縣經濯港望破額山寫懷寄羅同年
綈騎睭修阻露零方未已遙望破額山明滅微雲是我
欲拾香草遠遺瀟湘芷愁思寫春波空烟碧千里

九江城下有懷陶令

偶闕三徑資絃歌聊可爾束帶見郡掾棄之如脫屣遂
懷沮溺心不薄樊須鄙翼翼望歸鳥依依樹墟里我來
經柴桑欲扣曠達旨浩然懷古意雲與江上水

望東林作

一瓢小隱支公座五字閑題謝客詩寂寂斷橋流水外
虎溪惆悵獨尋時

東林寺貽珉公

秋氣常在水雷聲多傍山老僧贈扶老請與步林間一
笑復相謝此身猶未閑

三笑堂

松鼠行有聲缺月斜未墮偶隨溪水去復此磐石坐誰
許作周旋空山我與我

西林

營營終日將何務
解帶看山偶成趣
茅齋斜倚兩三松
花港分流六七步
西林道場誰所開
我將會客招宗雷
惠好儻蒙三益至
許分閑澹置茶杯

晚度虎溪橋

谷靜水潺潺
翠微方掩關
露生竹林早
月與溪僧還
有愧周從事
重來問北山

瑞州試院東軒
蘇文定監稅筠州時居此題壁
首乞吳同年和之

筠州監稅非我意東軒長老情庶幾烏皮偶借碧梧隱
鶴骨不如支子肥有情桑下得常住無事漢陰容息機
襌襪觸熱者誰子走馬又逐黃埃飛

高安雨景

遠山重疊亂溪流作得荒寒不是秋斜亞竹枝紅繖重
勃姑聲裏到筠州

峽江城下雨中待渡有感

楓垂綠葉染秋烟水調輕彈一兩弦萬里客情容易起
有風有雨峽江邊

凌江旅夜

入夢初疑雨灘聲月一樓蕭蕭沙上雁并與作鄉愁

凌江曲

酒含微綠浸春夜人醉欲眠花滿窗款乃一聲催夢去
暗隨烟月下凌江

修仁

不善身不入吾師仲氏子未敢畎貪泉且飲修仁水

平圃有張文獻故宅以詩弔之

唐朝黃閣老遺宅碧山隅此日枿櫨盡當年風度殊無

心猜海燕有識辨胡雛更歎陽春曲千秋調易孤

晚泊乳源江口

舟與暝色去不知江路寬傍蓮秋鷺靜入竹夜漁寒擁
絮聊忘睡敲茶欲代餐窗前有官燭借作望舒看

峽山寺貽曠元上人

丙寅歲從陳學士入粵到峽山寺作五言一首
寫付曠元上人不復記矣今年奉使過此寺上
人出以相示紙墨粲然爲恍然久之因更作一
首貽上人嘉慶二十一年丙子七月二十四日

艤舟巖磴下乘興叩禪關泥滓十年客雲松六祖山蘿
銜紺蕊密榕架綠陰閑頭白南華侶清言幸再攀

題峽山寺西閣

寺小通幽處前遊屐未經橫斜松網結隱見藥茵靈猿
洞春祈雨犀潭夜汲星從來憍佚意失利破飄瓶

三水縣

三日留君住江深路莫貪蠻音徐聽曉海味乍嘗甘昏
旦景常變冬春候各參遙聞采蓮唱的未減江南

舟中誦黃大令任西湖雜詩和之

水仙祠外雨連汀
慶忌塔前風皺萍
一唱同心魂欲斷
烟波無際是西泠

暫到杭州望汴京
樊樓檠桹不勝情
金錢賜與君王笑
宣喚湖頭宋嫂羹

金堆栲栳買春難
萬樹宮花著意看
重到玉津園外路
酒旗風影作春寒

二月水平蓴吐絲
采茶穀雨正相宜
可憐老鐵顏唐意
只解逢場唱竹枝

詠佛山鎮風土

爲喜珍華有兼稱
宴鬧堪酒材題若
下蔗種乞扶南花
埭春籠鶴燈窗曉
簇蠶朝官解詢此
便作帳中談

貝多水

氛雜雖爲累林亭
趣自賒歌樓綠珠
里卜肆仲翔家竹
瘦蟲書字蕉肥鹿
啣花韶春足相賞
未用惜年華

野眺偶成

此中常有營擾擾
世閒名忽踐邱園
諾偏增綺角情坡
晴牛送笛崦曲鳥
催耕轉愧南村友
新居卜未成

入謝氏園偶題

三山草堂詩集卷一
避喧攜研几適意訪山池自看楊家竹非耽謝傅棋
蟬吟花氣午人靜柳陰移向晚行吟去漁舟載月隨

再遊謝氏園有懷張秀才增

晚從蒙密處負杖更潛行
蘚暈皆成篆葩攢不辨名
月斜倚巖桂風響落山櫻
時復傷孤獨申言眷友生

山居樂

青山常在屋裏溪水直到門前
乘月每逢客至看雲未礙人眠

郊居沈約初賦隱舍周顒已成
蓼紫芹青午食雨香烟